

靈氏縣志

康熙冬月
北平葉世勳
題識

重修盧氏縣誌卷之一

樓峯郭光澍霖三氏編次

天文

分野 次舍 麗屬 占候

傳云天垂象聖人則之星辰之麗天彰彰較著蓋天有十二垣次地亦有十二方位此虞書十二州所由肇也故即一州一邑之區各有星 兵纏次疾 伏見徵應類昭天象兆於上即人事感於下矣得失休咎豈或爽哉洪範言庶徵而星有好風好雨以況民情心存民瘼者其於垂象之符宜何如之省驗與誌

盧氏縣誌

卷之一

天文

一

天文

分野

周禮保章氏以分星觀妖祥星經云十二次乃日月所會之處日月一歲十二會故有十二次十二分野即辰次所臨之地也

柳七星張周三輔宏農入柳一度

魏太史令陳卓

柳在輿鬼東又接漢源當商洛之陽接河南上流

唐天

志 文

午宮星張三宿屬周三河

象占通考按南方朱雀七宿其第三宿曰柳柳之

屬為酒旗午宮專屬河南分柳星張洛屬七星而柳為近之若張又屬南陽一帶通志三河之域於河南府為洛陽鞏縣偃師孟津新安澗池宜陽登封嵩永甯於陝州為盧氏閩鄉靈寶於鄭州為

滎澤滎陽河陰汜水於禹州爲密新鄭於南陽府
爲南陽鎮平必陽唐鄧州內鄉淅川裕州葉舞陽
於汝則爲魯山
郊寶豐伊陽

河南之河南府陝州俱柳分

明史天文志按此與舊志微異宜以明史爲

正 盧氏縣
屬陝州柳分

自柳九度至張十六度爲鶉火於辰在午乃周之分

野屬三河宏農以西華陰以東比於河南均屬柳盧

隸宏農入柳二度

前志星精賦按宏農入柳一度盧少西故入柳二度

柳宿圖

酒旗

盧氏縣誌

卷之一

天文

一一



爾雅味謂之柳孝經章句柳天庫也一日天廚南宮侯柳

天府也一日天相一日天大將軍一日注隨丹元子步天



歌柳八星頭曲垂似柳近上三星號爲酒宴享大醕五星

次舍

按凡星一度二千九百三十二里七十一步一尺四寸四分居之曰次日舍守犯合鬪遲

留伏逆必於斯考之

南方赤帝其精朱鳥爲七宿井首鬼目柳喙星頸張

唳翼翮軫尾

宋中興天文志

星鳥之度一百一十爲鶉首鶉火鶉尾之次當未午

巳之辰

星經 宋兩朝天文志柳宿之度半在鬼東南距西第三星去極八十二度半酒旗三星

距西北星去極七十七度入柳宿十四度星宿在柳東南 王奕曰師曠禽經鶉鳳也赤鳳謂之鶉

南方七宿取象焉 朱子辰天壤也每一辰各有幾度日月所會是為辰注云一歲日月十二會所

會為辰此在天之位若以地言則南向而立其前後左右亦有十二辰之位但在地之位一定不易

而在天之象運轉不停惟天之鶉火於地之午位乃與地合而得天運之正耳

柳為鳥喙星為頸張為喙故總謂之鶉火

鶉首秦也鶉火周也鶉尾楚也

鄭司農周禮保章氏註

爾雅味謂之柳柳鶉火也

按邢疏柳南方之宿名南方七宿共為朱鳥之形柳

為朱鳥之口故名味味即朱鳥之口也鶉火柳之次名鶉即朱鳥火屬南方因名其次為鶉火左傳

盧氏縣誌

卷之一

天文

三

襄九年土弱對晉侯曰古之火正或食於心或食於味以出納火故味為鶉火心為大火是也

自東井十六度至柳八度為鶉首之次 自柳九度

至張十六度為鶉火之次 自張十七度至軫十一

度為鶉尾之次 後漢書郡國志 井九度至柳三度鶉首之次

也 柳四度至張十五度鶉火之次也 張十六度

至軫九度鶉尾之次也

明史天文志 按此與後漢書微異今從明史

十二宮黃道經度

鶉火柳宿十五度少弱

黃道緯度

柳南極一十二度半

弱 赤道經度

鶉火柳一百二十四度半強

赤道緯度

柳北極七度弱

赤道

宿度

周天三百六十度每度六十分黃道同 柳一十二度零四分

黃道宿度

柳一十六

度零
六分
赤道交宮宿度
張六度五十分八鶉尾
黃道交宮宿度
七星

度五十一分八鶉尾
十二宮之名見於爾雅曰降
婁大梁實沈鶉火鶉尾壽星大火析木星紀元枵媿
訾宮有一定之宿宿有長居之宮而恒星既有歲進
之差於是宮無定宿而宿可以遞居各宮其各交宮
之黃赤道可分列也以
上俱明徐光啟歷書

麗屬
此通豫州以為言因分野而連類及之但紀
其槩於纏次繫應不復載入者以地屬公同
事頗曠遠非邑
乘所能覲列也

鎮星主嵩山豫州
天文則錄
古今星釋五行木曰
歲星火曰熒惑土曰鎮星金曰太
白水曰辰星五方木東火南金西水北土中央舊
志三河天地之中其位屬土故鎮星主之中興
天文志鎮靜也五星之行鎮星最遲
二十九年而一周天故以為鎮也

盧氏縣誌

卷之一

天文

四

豫州屬上台

天中記
漢天文志魁下六星兩兩而
比者曰三台晉志六星西近文昌二星

曰上台次三星曰中台東二星曰下台按上台二
星起文昌下距北星去極八十三度入柳宿七度
三台一曰泰階天之三階又
泰階六符謂六星之符驗也

占候

占星觀變紀載焚如錄其於本郡邑有驗者
以後鑒前可資考覽其不列之祥異者祥異

廣羅禎孽此則專
取天官家言也

柳星張三宿為三月昏星正月在辰十二月在卯

明章

演圖書編二十八
宿逐月昏中位次

柳八星十四度土星也其北六尺為日月五星中道

甘氏云主飲食倉庫酒醋之位明大則人豐酒食搖

動則大人酒死失色則天下不安饑饉流於道路不
過三年必應張衡云柳爲天之廚宰主尙食和滋味
史記天官書柳爲鳥注主草木孫炎曰注作喙朱鳥
乏口柳其星聚也以主爲柳星故主草木隋志云又
主雷雨主木功星明大臣鎮重國安廚食具注舉首
王命興輔佐出星直則天下謀伐其主就聚則兵鬪
國門

酒旗三星在軒轅右角之南酒官之旗也主宴享飲
食五星守酒旗天下大醜有酒食財物之賜爵及宗

盧氏縣誌

卷之一

天文

五

室

周

武王伐殷歲在鶉火歲之所在則我有周之分野也

周語 按漢書天文歲星所在國不可伐可以伐
人武王至艷之明年歲星順行與日合於柳留於

張程
史

漢

已下俱本各代正史及馬端
臨文獻通考不復詳識所出

光武建武三年五月乙卯晦日有食之在柳十四度

柳河南也時光武在洛陽赤眉
降賊樊崇謀作亂發覺伏謀

十年十二月己亥

大流星如缶出柳西南行入軫且滅時分爲十餘

如遺火狀須臾有聲隱隱如雷

柳為周軫秦蜀流星貴使星大者使

大星小者使小出柳入軫者是大使從周入蜀是時帝使大司馬吳漢擊蜀殺公孫述是大將出伐殺之應也其如遺火分爲十餘是小將相隨之象有聲如雷隱隱者兵將怒之徵也 二十

二年五月乙未晦日食在柳七度

柳京都宿爲上倉祭祀穀也近

輿鬼輿鬼爲宗廟十九年中有司請立近帝四廟以祭之有詔廟處所未定且就高廟祫祭之至此三年遂不立廟有簡情心故示象也 三十一年五月癸酉晦日食在

柳五度

自二十一年示象至此十年後晏駕

明帝永平八年六月長星出柳張三十七度犯軒轅

刺天船陵太微氣至上階凡見五十六日去

柳周地是

盧氏縣誌

卷之一

天文

六

歲多雨水郡十四處傷稼

十六年五月戊午晦日食在柳十五

度

儒說五月戊午猶十一月甲子也又宿在京都其占重後二年晏駕

順帝永建二年六月丁巳彗星見東方西南指營室

及墳墓星丁丑在奎一度癸未昏見西北厯昴畢甲

申在東井遂厯輿鬼柳七星張光炎及三台至軒

轅中滅

張爲周滅於軒轅中爲後宮其後懿獻后以憂死梁氏被誅是其應也餘詳後漢書

桓帝嘉熹元年五月丙戌晦日食在柳七度

梁冀列傳常侍

徐璜白言臣見術家常言漢死戌亥今太歲在丙戌五月丙戌日食柳宿朱雀漢家之貴國宿分周地今京師是也史官上占去重見輕璜詔太史陳瑗詰問乃以實對冀恐瑗不爲諱發其短收殺獄

中

晉

武帝咸甯五年三月星孛於柳

占曰外臣陵主柳又三河分野明年吳亡

入洛是其應也

成帝咸康四年四月己巳太白晝見於柳

帝永和十二年七月丁卯太白犯鎮星在柳

占曰周地

有大兵其年桓溫伐苻堅退因破姚襄於伊水定周地

孝武甯康十二年六月癸卯太白晝見在柳 十四

年己巳太白晝見於柳

盧氏縣誌

卷之一

天文

七

北魏

宣武帝永平元年六月庚辰太白歲星合於柳

柳為周分

占曰有內兵以賊諸侯

唐

高宗永徽元年七月辛酉歲星太白合於柳

代宗大曆十年七月庚辰太白辰星合於柳

宋

英宗治平二年八月己亥火犯木纏柳七度半

占曰秦分

有兵謀亦為赦令按今柳七度乃在分

太祖開寶元年六月彗出柳長四尺踰四旬而滅

徽宗宣和元年三月丁卯星出柳如孟東北急流入

太微垣赤黃有尾迹照地明

主多雨水一曰周分憂兵起外國或有急

使

孝宗隆興元年七月壬寅熒惑辰星合於柳

占周分赤地干

里又為饑有覆車殺將在秋為兵或大旱是年有宿離之敗

乾道九年三月辛丑火木合於柳

占云為內亂臣有謀又云當其野旱

亡以饑

明

盧氏縣誌

卷之一

天文

八

萬曆十三年二月熒惑自張歷柳 四十二年十月

熒惑犯柳

崇禎三年二月熒惑自東井十六度過鬼入柳

